

芸庵類藁

欽定四庫全書

芸庵類藁卷三

宋

李洪

撰

七言律詩

簡崇德萬令

十載交期晚益親
絃歌尤喜政聲新
倦游偶是臨邛客
索價慙非少室人
旅舍誰驚五漿饋
官梅初見一枝春
挂帆明日歸苕霅
從此詩筒莫厭頻

殘臘喜雪

金匱四庫全書
卷三
散亂明璣濺竹窗不聞簷雷響錚鋌剪成閭苑瑤英六
絕勝連城白壁雙獨覺瓔鬘髮彌寶所豈無蓑笠釣寒江
饑腸雷吼呵吟筆睥睨詩壇未豎降

立春前一日再雪因用韻

重雪催詩夜映窗杉枯竹折恣撐撻交飛梅徑妝纔半
舞對鸞臺影自雙面壁誰參少陵室羊裘試問富春江
豐穰可卜卯年瑞展拓邊城築受降

除日立春雪

獻日春回一日先勾芒清曉試花權要看臘雪連春雪
獨占新年與舊年梅綻香唇纔半樹柳蘓睡眼待三眠
東皇次第開桃李誰顧寒松澗雪邊

春雪呈通判叔

無奈春來節物催東君更遣玉花開寒輕纔濕新池草
勢密重飄靜院梅麥隴潤滋豐餅餌秣田膏澤足醪醅
疲民盡說豐年瑞獨恨千山阻鴈回

雪

朔風動地似奔雷瑞雪飛飛徧九垓玉局盡疑從地湧
銀臺空訝倚天開西經佛國千峯外北過天山萬里來
誇賦兔園非我事直須興盡棹船回

六幕同雲歲又殘忽驚臘雪滿羣山誰知曳履塗中去
端有披蓑江上還三白吉祥千里內六花飛舞兩楹間
詩成自怪無奇語欲壓劉叉思覺慳

仲躬示侍郎丈筭字韻詠雪次韻

溪汀渺渺躍鳬翁織浪雕雲訝許同散漫六雲疑剪水

連娟萬舞趣回風
瞻山遐想崑邱勝
宴坐方觀色界空
繡斧謝庭聯內集
刑清寧用鉅為筭

次韻寺丞叔都城喜雪

東郊初未布陽和
湖上祥雲點綠波
重壁臺遙黃竹作
孤山園近落梅多
表儀共仰豐年玉
賦詠宜陪賡載歌
誰憶漁舟向西塞
千山徑絕獨披蓑

雪中偶成呈周明遠

巽二初分北帝權
忽飄瑞葉表豐年
隨車逐馬難為比

入隙開簾絕可憐凍鎖官梅枝
嫋娜寒欺塞鴈影聯翩
袁安門閉惟高卧遙憶溪頭訪戴船

次韻仲信雪中見簡

夜窗初映月如霜凌曉瑤
靈勢渺茫清室乍欣文解崇
淺斟應愜醉為鄉幽蘭儷曲
三豪集黃竹興謠八駿驤
聞道子猷思泛剡兩溪絕境較優長

簡章叔鎮

海昌一別十三秋僚舊相逢雪滿頭
公負才能猶掌庾

我須踈散尚監州樽前強健應須喜身外無名勿用憂
昔日長官今繡斧吹噓應念蒯為緱

題雪峯

象骨峯前古道場簡菴再到愈芬芳地平雙徑崇宮殿
名壓三山有雪霜栗棘金圈提祖令奎文寶墨閔宸章
海昌曾禮光明相重薦鑪中知見香

鹽官縣有雪峯
庵今為壽聖院

初冬見雪

頗怪寒威一倍添天花回旋落層檐慵賡險韻偏工絮

自哂微官獨帶鹽問訊梅梢半封萼爭看蝶舞不鉤簾
小兒學誦封胡句羔袖烘爐任附炎

塗中書懷

載馳十驛倦驂騑已訝緇塵染素衣歷歷征人數行店
翩翩越鳥戀南飛貪看樹向城頭綠不覺春從海際歸
客鬢漸凋孤壯志豈緣微祿戀輕肥

元夕書懷

好在東君管物華倦游歸思渺天涯春冰夜市心空壯

聽鏡探官事更賒尚怯餘寒破桃萼坐看細雨落簷花
家僮應照田蠶簑頻曬漁蓑理釣車

監試院秋夕無聊得日華寄詩

傑屋青燈夜不眠誦君佳句喜茫然別來已覺三秋遠
書到難憑一鴈傳濃淡西湖真在眼釣樞東閣況蒐賢
徒勞屢起江鄉興歸釣搓頭縮頸編

次韻王龜齡貢院

浩渺春波暖白蘋溪頭廣廈旅楹新佩衿無復歌游闕

糟粕空慚老斲輪門外緼袍人立鵠榜間淡墨筆如神
使君道德魁天下膏馥分沾盡澡身

送滕彥道除太府寺簿歸吳門需次

論交先友接樞廷末路為寮喜典刑桃李春風同扈蹕
衡茅夜雪並寒廳暫從簿領陪卿月行握蘭荃應列星
臨別遙思五湖樂望中林屋已青青

清明遣興呈郭次張

倦遊佳節負清明禁籞芳菲未遍經楊柳堆煙猶冉弱

杏花著雨半飄零
街頭車馬來還去
客裏壺觴醉復醒
勝喜祥林洗塵土
吳山相對眼偏青

次韻秋日遣興

西風暑退喜清秋
倦客漂流滄海頭
用舍行藏知有命
山林鐘鼎豈能謀
汗青漫志三餘樂
養素寧忘二泚收
鵬鷖逍遙天壤內
何勞八極賦神遊

秋晚閒詠

六年門外送蒼溪
遠舍黃花獨杖藜
安有鶴觴逢白墮

新成螭蓋得朱提
流匙乍飽豐年玉
病齒全踈飢座梨
欲問福城南去路
江山猶得助難題

用前韵簡日華

遲遲欲去戀雙溪
獨樂簞瓢不糝藜
豈稱昔賢為半刺
只堪老宿話全提
家貧未辦千頭橘
世習猶堪兩顆梨
速丐雄篇重行橐
三山佳境易為題

次韻元量春遊

恰恰鶯簧百轉齊
提壺仍勸醉芳蹊
麴塵弄日腰肢弱

翠黛凝顰眉嫵低泉石似尋天竺寺漁舟引入武陵溪
少年簇馬觀遊女勒住金銜不放嘶

次王仲信食粥

太白狂歌力士鎗未如食粥魯公清從教過午饑腸轉
政坐哦詩青眼橫竒怪爭觀出月脇詎諧猶足助言鯖
卧聽古寺華鯨吼飮顆誰憐太瘦生

臘夕直宿枕上偶成

北風洶洶應嘉平點滴簷間雨未晴病骨可堪寒栗烈

老懷仍怯歲崢嶸
湯婆漫許登禪榻
黃妳無因伴短檠

庫中
火禁清絕夜闌愁不寐
擁衾龜息待窗明

步過仙霞嶺

迢遞南詢過百城
五漿先饋不須驚
侵尋老境凋雙鬢
耿介孤忠有寸誠
入眼越山多秀色
背人閩水大無情
扶筇跼步仙霞嶺
自笑嬰跚勃窣行

次韻德孺詠梅

徙倚名園鎖綠苔
亭亭水艷為誰開
乍疑奔月常娥去

忽見尋梅僧孺來淺笑故應窺水鏡片飛看復落深杯
王孫家有雪兒唱莫待霜天曉角催

初陪扈從

紫禁晨曦拂曉開南山秀色鬱崔嵬立班馳道蒼龍闕
逼耳嵩呼遶殿雷清蹕一聲黃繖動屯雲萬騎景輿迴
端門緩轡哦詩罷誤入鈎陳豹尾來

次韻馬駒父大閱

譚笑詩成馬槊橫偏師何暇犯長城縱觀儒帥臨戎幕

想像天山破敵營
麾幟精明嚴武備
山川彈壓颶威聲
老來壯志渾消盡
射虎南山媿北平

和子都兄修佩魚

恩假銀魚閱四年
新元瓜戍尚悠然
滯袍自昔多屯蹇
英袞當時誤軫憐
司馬青衫佐湓浦
參謀朱紱向西川
玉堂伴直如相念
安敢沉酣不上船

陳伯和和經字韻復以為報

說詩夜對老彌明
韋氏傳家自一經
盛德於今推鼎甲